


Rector di Colegio

“Nos kier simplemente mehora e resultadonan di Colegio Arubano y tin hopi storia cu no ta berdad”



ORANJESTAD (AAN): Hans Timmermans, kende ta Rector y Presidente di Director di Directiva Colegio Aruba ta pasando den un candela cu studentenan demostrando nan malcontento pa un maneho cu nan ta considera ad hoc cu a worde introduci recientemente. Un maneho cu a causa cu un di e docentenan mas stima di Colegio, Alfredo Capelo, a dicidi di tumu su retiro. Segun e rector, a trata di yama Capelo pero el a paga su telefoon. E rector den declaracion duna na prensa no tabata kier a bay den delays riba loke cu a sosode cu Meener Capelo y solamente a confirma cu el a pidi su retiro. Si el a bisa cu despues di esaki el a constata cu un cantidad di cos a worde poni riba Facebook cu a conduci na e conmocion di diamars mainta ora cu studentenan a bay den un accion silencioso. Segun e rector, den pauze tin musica ta worde toca demasiado duro cu hasta docente-y studentenan a cuminsa keha riba e situacion. Como rector, e no ta haya na su lugá cu den pauze di un school ta toca musica asina duro y den forma constante. Y esaki a pone un paro na die pa e momento. El a bisa cu nan ta dispuesto pa sinta combersa riba e asunto aki, pero no na momento cu e emocionnan ta halto. Di otro banda e ta bisa, reac-

cionando riba preguntanan, cu e no ta na altura cu rectorado di repente a tumu un cantidad di reglanan nobo. Tambe el a señala cu un cantidad di cos sin sentido a worde poni riba Facebook, cu CA a dicidi cu no mag di papia Papiamento mas na school. “Esaki ta un regla cu nos no conoce. Supuestamente tin un lista di docentenan cu lo kier retira, pero nos no sa di esaki. Esaki ta e peligro di social media unda fur cos ta worde pensa y ta haya nan propio-bida.” Si ta berdad cu e regla ta cu den klas mester papia Hulandes. Esaki ta importante pasobra hopi di e hobenan cu kier bay studia na Hulanda, tin problema cu e idioma. Nan mester ta prepara cu nan por sigui nan estudio na Hulanda sin problema. E uzo di celular si e ta admitti ta algo cu nan a bisa cu no mag worde gecharge na school. El a menciona cu si 500 estudiante carga nan telefon na school, e lo tin su efecto riba e cuenta di corriente di e school cu ta den un mal estado caba. E ta admitti cu den e aña escolar nobo a haci algun palabracion nobo cu docente-nan. E palabracionnan nobo, e ta kere, ta bon pa e school mes. El a referi na resultado di examenman di aña pasa cu no tabata bunita, pa cual e ta kere cu huntu mester traha duro pa lanta e school back.



Den cuadro di esey a bini cu un regla cu den CP Week mester traha te cu 2.15 pm pa por discuti diferente tema entre docentenan, manera actividadnan educativo. Otro regla ta cu prof-werkman mester worde coregi den cierto tempo. Tur esaki ta reglanan cu no ta afecta e studentenan, pero ta worde uza contra rectorado di Colegio Arubano.

E grupo cu a bay den accion tabata uno basta grandi y tabata principalmente di Bovenbouw. Mirando esaki a dicidi di invita algun estudiante pa combersacion y spli-ca nan di e reglanan y pakico nan a worde introduci. Tur esaki pa kita e storianan cu no ta berdad, manera cu e b-ahé di estudio di Havo 4 no ta bay door mas. Rectorado a splica cu simplemente nan ta trata pa mehora e situacion na Colegio Arubano y e resultadonan. Na final a worde enfatisa cu nan no sa e motibo completo pa cual Capelo a tumu su retiro. Nan no sa si e tin di haber cu despues di varios advertencia pa baha e musica, a dicidi pa stop esaki door cu e tabata demasiado duro y a molestia varios mucha y docente.

Probeca e oportunidad aki!!!

Tos4us

coi HUNGA di calidad!

50%

Special di siman, nos tin popchinan di Monster High

Cumprando sercan nos, bo placen ta leera circula na Aruba.